

Zeitschrift: Il glogn : calender dil pievel : annalas per historia, litteratura e cultura romontscha

Band: 4 (1930)

Rubrik: Enzatgei per las casarinas : fatgs impurtonts de saver ord l'industria de products nutritivs e de rinforz

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 05.05.2025

ETH-Bibliothek Zürich, E-Periodica, <https://www.e-periodica.ch>

Augusto Giacometti.

Sco il lectur ha viu, havein nus publicau uonn dus maletgs dil pictur A. Giacometti. Igl artist ei in Grischun, oriunds da Stampa en Bergaglia. Fegl d'ina sempla famiglia de purs ha el visitau la scola primara dil vitg. (Naschius ils 16 d'uost 1877). Siu aug era pictur e da quel ha el artau per in biontont il dun artistic. Sesentend clamaus per ina caussa pli aulta, eis el seretratgs a Cuera e fatg atras leu la mercantila della scola cantonala. Da leu seretill'el enzachonts onns a Turitg. Silsuentar a Paris, sco scolar della „Ecole national des arts décoratifs.“ Lu suondan liungs viadis ell'Italia ed en autras tiaras, per alla fin secasar a Turitg el pli grond marcau svizzer, nua ch'igl art ha aunc adina plaz sper las bancas e grondas fatschentas. Plaun, plaun ei nies sempel e modest compatriot vegnius encunaschents ed oz eis el in artist renomau, che ha ina gronda influenza silla svilupazzinn artistica el marcau de Turitg. Ils grondius baghetgs, che sesaulzan bunamein sur notg ord la tiara el marcau de Turitg, vegnan per la gronda part decorai, era exteriu-ramein, cun vivas colurs ed ornements artistics moderns. Quella nova pictura ei il grond meret de A. Giacometti. Dapi ils dus davos decenis eis el vegnius pli e pli encunaschents ed oz ha el empustaziuns de strusch pli vegnir entuorn. El ei surtut igl artist de maletgs en glas. Era en nies cantun havein nus tals. Aschia a Cuera ella baselgia de s. Martin ect. A. Giacometti vegn numnaus cun buna raschun il grond artist dellas colurs. Pertenent quella qualitat vegn oz negin suren ad el. El ei in pictur modern, mo tuttina buca della sort extrem-expressi- nista. Ses maletgs ein plein cuntegn ed expressiun ed en in cert grau monumentals. — Nos dus maletgs, ils quals il grond pictur ha amicablamein schau vegnir tier alla redacziun dil „Glogn“, representan ina „Skizza per in maletg de preit“ ed il „Miradur.“ Ei glei mo de deplorar, che nus savein aunc buca reproduzir tals maletgs en lur grondiusas colurs. — Al pictur nies cordial engraziament.

Enzatgei per las casarinas.

Fatgs impurtonts de saver ord l'industria de products nutritivs e de rinforz.

La scienza moderna ei continuadamein intenzionada de svilupar pli e pli las aquistas de tochen da cheu e de formar quellas pli impurtontas en lur valeta. Principalmain l'industria de products nutritivs survescha sin quei territori sco muossavia; ella analysescha la valeta nutritiva, tschaffa ord denter las substanzias pli impurtontas, conzentrescha ed amegliurescha quellas, tschenta ensemen certas gruppas, aschia che products san vegni purtai en negozi, ils quals possedan era en las pli pintgas quantitats, substanzias nutritivas de fetg differentas sorts.

Preparats de tala natira ein p. ex. Nagomaltor e Banago, ils quals vegnan fabricai de „Nago, Nahrungsmittel-Werke A. G. Olten“, ina dellas pli enconuschentas firmas en quella branscha.

Igl ei la valeta de demussar alla sinthesa de Nagomaltor entgina attenziun. In product nutritiv e de rinforz duei far saung, svilupar l'ossa ed infermir ils gnarvs. Quellas pretensiuns vegnan risguardadas compleinamein tier la fabricaziun de Nagomaltor. Latg entir frestg, mèlen d'iev, che contegn fosfor, extract de malz per rinforzar, cacao ein las substanzias fundamentalas allas qualas ei vegn aunc aggiuntau mèl d'aviuls sco era ils sals de calcium e fosfor. Quellas substanzias, concentradas tras in cundrez modern de fabricaziun, porschan in preparat, il qual ha enflau tras sia qualidad en tuts circuits buna acoglenza, principalmein tier miedis e hebamas.

Nagomaltor presta exquisits survetschs tier reconvalescents, persunas surluvradas spirtalmein ni corporalmein, tier las qualas igl organismus ha de basegns de vivonda rinforzonta, mo leva de tuchegiar.

In product, la sinthesa dil qual sebasescha medemamein sin gronda enconuschientscha professionala, ei Banago. Il bass prezi de quei product lai concluder sin ina razionala metoda de fabricaziun. Quei „Bananen-Cacao“ anflan ins ozildi bunamein tier scadin solver ed ei era beinvegnius tier la merenda. Ultra dil savurus cacao e las bananas rehas en vitamin, contegn Banago zucher ded iuas, extract de fixs, adattaus per far saung, sco era sal de caltschina e fosfats qualificai per infermir l'ossa.

Tgi che preziescha in dretg nutriment per sesez e sia famiglia, tgi che vul dabot remplazzar forzas piarsas e mantener sia sanadad, emprovi in de quels mieds comprovai.

Cuorta cronica.

Scriver ozildi ina cronica sur dil passau, en in calender, ha buca grond senn. Quei fan, en nies temps de pupi, las gasettas en abuldonza. Nus lein pia buca scriver sur las ideas de „Paneuropa“, ed era buca sur l'America, che ha empristau daners a l'entira Europa e regia perquei ella. Era che la Fronscha ha derschiu siu ministeri e mess si in niev, tier il qual ins ha stuiu turnar ad haver Briand, quei grond um raschuneivel, emporta sgarscheivel pauc a nus Grischuns-Romontschs. Ch'il pli grond um e politicher della paisch en Germania Stresemann ei morts, ei segir de deplorar, mo la fin finala ei mintga carstgaun remplazabels. Gie, perfin nos dus cussegliers federals a Bern vegnan a vegnir remplazai. Per plazzas de honur e grond salari dat ei adina aspirants detgavunda e perquei capin nus, sch'ei gl'ei era quella gada pli che dus, che han che fa cauld e che vegnessan sgarscheivel bugen: cusseglier federal. Perquei stuein nus burgheis ordinaris nuota haver quita; las partidas politicas, q. v. d. ils cussegliers nazionals e dils stands a Bern vegnan schon a quar ora dus. Sch'in de quels vegn ad esser in tschietschen e l'auter in pur ei grev de dir. En quei cass havessen nus 2 conservativs, 3 liberals, 1 pur ed 1 tschietschen el cussegl federal e quei fuss partiu giu gnanc aschi mal buc, suenter la forza proporzionala dellas partidas. — Avon zatgei jamnas ha Basel, entras il cussegl della Ligia de Pievels, survegniu la gronda honur ded